








531



分類補註李太白詩  
七







分類補註李太白詩卷之十六

送

南陽送客

斗酒勿爲薄寸心貴不忘坐惜故人去偏令  
遊子傷離顏怨芳草春思結垂楊揮手再三  
別臨岐空斷腸

士贊曰論語久要不忘平生之言

送張舍人之江東

張翰江東去正值秋風時天清一鴈遠海闊

孤帆遲白日行欲暮滄波杳難期吳洲如見

月千里幸相思齊賢曰張翰事見前卷

送王屋山人魏萬還王屋并序

王屋山人魏萬云自嵩宋沿吳相

送數千里不遇乘興遊台越經永

嘉觀謝公石門後於廣陵相見美

而愛文好古浪跡方外因述其行

而贈是詩一作見王屋山人魏萬云自嵩歷兗遊梁入吳

計程三千里相訪不遇因下江東尋諸名山往復百越後於廣陵一面遂乘興共過金陵此公愛奇好古獨出物表因述其行李有此詩

仙人東方生浩蕩弄雲海沛然乘天遊獨往

失所在魏侯繼大夕本家聊攝城卷舒入元

化跡與古賢并齊賢曰東方朔暫之紫泥之海見二卷杜預曰聊攝齊西

界平原聊縣東北有攝城十三弄文史揮筆如振綺辯折

田巴生心齊魯連子西涉清洛源頗驚人世

喧采秀卧王屋因窺洞天門竭來遊嵩峯羽

客何雙雙朝携月光子暮宿玉女牕鬼谷上

窈窕龍潭下奔淥齊賢曰東方朔書曰年十

王屋縣隸河南府有王屋山嵩山唐隸河南

登封縣鬼谷先生晉平公時大隱居鬼谷因

以為號先生姓王名剛蘇秦張儀從之學學

成歸先生與二隻復化為犬以引二子即日

到秦徐廣曰穎川陽城有鬼谷嵩山嵩陽觀

西有龍潭士贊曰魯連子曰齊之辯者曰田

巴辯於桓丘而議於稷下毀五帝罪三王一

日而服千人有徐易弟子曰魯連謂劫曰臣

願當田子侯不取復說於是往見而請曰今

楚軍南趙伐高唐亡在朝夕今臣將罷南陽

之師還高唐之兵所貴談說此之謂也如先

生之言有似是者人皆惡之田巴於是杜口

易業終身不談淥音叢毛詩箋 東浮汴河水

訪我三千里逸興滿吳雲飄飄淅江汜揮手

杭越間章臺望潮還濤捲海門石雲橫天際

山白馬走素車雷奔駭心顏齊賢曰浙江汜

之西越州今紹興府遙聞會稽美且度耶溪

浙之東接亭在焉水萬壑與千巖崢嶸鏡湖裏秀色不可名清

揮滿江城人遊月邊去舟在空中行此中久

延佇入剡尋王許笑讀曹娥碑沈吟黃綸語

天台連四明日入向國清五峯轉月色百里

行松聲靈溪咨沿越華頂殊超忽石梁橫青

天側足履半月齊賢曰世說顧長康從會稽還人問山川之美顧云千巖

競秀萬壑爭奇耶溪見前許邁移臨安入西

山改名玄義之曹娥上虞人父時迎神泳濟

而上為水所淹不得尸娥年十四乃投瓜于

江祝父在此瓜當沉旬有七日瓜沉娥遂投

江而死縣令度尚為改葬作碑蔡邕過吳讀

碑文以為詩人之倫因刻石傍作八字云黃

綸幼婦外孫董曰曹操與楊脩共讀之脩先

悟操行三千里方悟為絕妙好辭四字天台

賦云過靈溪而一躍僧惠虛姓陳居天台國

清寺與同侶遊山戲過石橋水峻苔滑懸流

萬仞下不見底眾皆股慄不行惠虛獨超然

而過徑上石壁外微有小徑遂見宮闕連亘

十里許其門題曰會真府左曰金庭宮右曰

同伯宮皆金樓玉牕高百餘尺孔靈符會稽

記曰赤城山眷然思永嘉不憚海路賒掛席

有石橋懸度

歷海嶠迴瞻赤城霞赤城漸微沒孤嶼前曉

兀水續萬古流亭空千霜月齊賢曰唐温州

出為永嘉守郡有名山水肆意遊遨徧歷諸

縣所至輒為詩詠以致其意故有登臨海嶠

初發強中作會稽記曰赤

城山山色皆赤狀似雲霞

縵雲川谷難石門

最可觀瀑布掛北斗莫窮此水端噴壁灑素

最可觀瀑布掛北斗莫窮此水端噴壁灑素

最可觀瀑布掛北斗莫窮此水端噴壁灑素

最可觀瀑布掛北斗莫窮此水端噴壁灑素

最可觀瀑布掛北斗莫窮此水端噴壁灑素

雪空濛生晝寒却思惡溪去事懼惡溪惡咆  
 哮七十灘水石相噴薄路創李北海巖開謝  
 康樂松風和猿聲搜索連洞壑徑出梅花橋  
 雙溪納歸潮落帆金華岸赤松若可招齊賢曰唐  
 處州縉雲縣謝靈運有登石門最高頂詩又  
 靈運遊名山志曰石門開六處石門遡水上  
 入兩山開兩邊石壁右邊石巖下臨澗水南  
 史褚伯玉錢塘人往剡居瀑布山麗水縣東  
 十里有惡溪多水怪木由自註李邕昔為括  
 州開此嶺路又曰惡溪有謝康樂題詩處婺  
 州金華縣有金華山金華有赤松  
 澗人見赤松子安期先生於此  
 沈約八詠

樓城西孤岩崑崙四荒外曠望群川會雲  
 卷天地開波連浙西大亂流新安口北指巖  
 光瀨釣臺碧雲中邈與蒼嶺對稍稍來吳都  
 徘徊上姑蘇煙綿橫九疑潏水大蕩見五湖  
 目極心更遠悲歌但長吁齊賢曰南史沈約  
 襄陽太守郡有沈約八詠樓又有新安江水  
 至清淺詩蘇州吳郡治吳縣五湖即震澤見  
 前王贊曰師古曰戎狄荒服故曰四荒言其  
 恍惚去來無常也蒼嶺在台州仙居縣西北  
 五十里高  
 五千丈  
 迴橈楚江濱揮策楊子津身著日

本裘

表則朝卿所贈  
日本布為之

昂藏出風塵五月造我

語知非佻儻人相逢樂無限冰石日在眼徒

干五諸侯不致百金產吾友楊子雲絃歌播

清芬雖為江寧宰好與山公群乘興但一行

且知我愛君君來幾何時仙臺應有難東牕

綠玉樹定長三五枝至今天壇人當笑爾歸

遲我苦惜遠別茫然使心悲黃河若不斷白

首長相思

齊賢曰日本去  
京師萬四千里

送當塗趙少府赴長蘆

我來楊都市送客回輕舸因誇楚太子便觀

廣陵濤仙尉趙家玉英風凌四豪維舟至長

蘆目送煙雲高搖扇對酒樓持袂把蟹螯前

途儻相思登嶽一長謠

齊賢曰揚都揚州士  
贊曰漢書游俠傳信

陵平原孟嘗春申游諸  
侯者以四豪為稱首

送友人尋越中山水

聞道稽山去偏宜謝客才千巖泉灑落萬壑

樹縈迴東海橫秦望西陵遶越臺湖清霜鏡  
曉濤白雪山來八月枚乘筆三吳張翰杯此

中多逸興早晚向天台

齊賢曰會稽記秦望山在州城正南史記

始皇登之望南海西陵與浙江亭相對乃錢塘會稽津渡處晉張翰任心自適不求當世

或謂之由鄉乃可縱遇一時偏不為身後名邪答曰使我有身後名不如即時一杯酒天

台山在合州王贊由越臺即越王臺圖經云在種山今在卧龍之西

### 送族弟凝之滁求婚崔氏

與爾情不淺忘筌已得魚玉臺掛寶鏡持此

意何如坦腹東牀下由來志氣踈遙知向前

路擲菓定盈車

齊賢曰莊子筌者所以求魚也得魚而忘筌潘安仁至美

每行老嫗以菓擲之滿車

### 送友人遊梅湖

送君遊梅湖應見梅花發有使寄我來無令

紅芳歇暫行新林浦定醉金陵月莫惜一鴈

書音塵坐胡越

齊賢曰漢書帝思蘇武使謂單于天子射上林得鴈足繫

帛士贊曰陸凱與范曄相善自至南寄梅花一枝寄長安與復詩曰新梅逢驛使寄與隴

頭人自遠迴所  
有聊贈一枝春

### 送崔十二遊天竺寺

還聞天竺寺夢想懷東越  
每年海樹霜桂子  
落秋月送君遊此地已屬流芳歇  
待我來歲行相隨  
浮溟渤

齊賢曰錢塘諸寺天竺最盛行相隨浮溟渤山有一門南北相望而上下

### 送楊山人歸天台

客有思天台東行路超忽濤  
落浙江秋沙明

浦陽月今遊方厭楚昨夢先歸越  
且盡秉燭

歡無辭凌晨發我家小阮賢  
剖竹赤城邊詩

人多見重官燭未曾然興引登山  
袂情催泛

海船石橋如可度携手弄雲煙

浦陽江水導源烏陽縣而經上虞縣小阮乃籍兄熙子咸也漢書巴祗為揚州刺史在官不迎妻子夜與士對坐暗中不然官燭謝靈運尋山涉嶺必造幽峻巖嶂數十里莫不備盡登躡嘗着木屐上山則去其前齒下山則去其後齒有遊赤石進帆海詩

### 送温處士歸黃山白鵝峰舊居

黃山四千仞三十二蓮峰丹崖夾石柱菡萏  
 金芙蓉伊昔昇絕頂下窺天目松仙人鍊玉  
 處羽化留餘蹤齊賢曰黃山隸宣州圖經云  
爾雅荷芙蕖其華菡萏其實蓮其根藕天目  
山在臨安西五十里高三千九百丈周回八  
百里乃神仙所居有三十六峒太平寰宇記  
天山有兩湖若左右目故曰天目士贊曰晉  
書許邁徧遊名山採藥莫測亦聞温伯雪獨  
所終好道者皆謂之羽化也  
 往今相逢採秀辭五嶽攀巖歷萬重歸休白  
 鵝嶺渴飲丹砂井鳳吹我時來雲車爾當整

去去陵陽東行行芳桂叢迴溪十六度碧嶂

盡晴空他日還相訪乘橋躡綵虹齊賢曰白

山莊子温伯雪舍於魯仲尼見之而不言  
子路問仲尼曰夫人者目擊而道存矣

送方士趙叟之東平

長桑晚洞視五藏無金牛趙叟得秘訣還從

方士遊西過獲麟臺為我弔孔丘念別復懷

古潜然空淚流齊賢曰莊子庖丁曰始吾之

年之後未嘗見全牛也方今之時臣以神遇  
而不以目視獲麟臺在魯國西士贊曰史記

扁鵲者渤海鄭人也姓秦氏名越人少時爲人舍長舍客長桑君過扁鵲獨奇之嘗謹遇之長桑君亦知扁鵲非常人出入十餘年乃呼扁鵲私坐間與語曰我有禁方年老欲傳與公公母世扁鵲曰敬諾乃出其懷中藥與扁鵲飲是以上池之水三十日當知物矣乃悉取其禁方書盡與扁鵲忽然不見殆非人也扁鵲以其言飲藥三十日視垣見一方人以此視病盡見五臟癥結特以診脉爲名耳

送韓準裴政孔巢父還山

魯中

獵客張兔豕不能掛龍虎所以青雲人高歌  
在巖戶韓生信英彥裴子舍清真孔侯復秀

出俱與雲霞親峻節凌遠松同衾卧盤石斧

冰漱寒泉三子同二屐

王贊曰盤大石也

時時或乘

興往往雲無心出山揖牧伯長嘯輕衣簪昨

宵夢裏還云弄竹溪月今辰魯東門悵飲與

君別雪崖滑去馬蘿徑迷歸人相思若煙草

歷亂無冬春

齊賢曰尚書周官曰外有州牧侯伯陸機演連珠曰頓網探雲

不能招龍振網羅雲不必招鳳是以巢箕之叟不眈丘園之弊洗耳之民不發傳巖之夢

此詩首四句意出於此

送楊少府赴選

大國置衡鏡準平天地心群賢無邪人朗鑒窮情深吾君詠南風袞冕彈鳴琴時泰多美

士京國會纓簪山苗落磧底幽松出高岑齊賢

禮記舜作五絃之琴以歌南風王贊曰三禮圖袞冕垂白珠十有二旒以組為纓色如

緩鞋廣充耳玉簪導板黃金飾周制冕有紐夫子有盛才主司得

球琳流水非鄭曲前行遇知音衣工剪綺綉

一悞傷千金何惜刀尺餘不裁寒女衾我非

彈冠者感別但開襟空谷無白駒賢人豈悲

吟大道安棄物時來或招尋爾見山吏部當

應無陸沈齊賢曰漢書王吉傳吉與貢禹為友世稱王陽在位貢公彈冠言其

取舍同也師古曰彈冠者言人仕也毛詩皎皎白駒在彼空谷山濤為吏部所甄拔人物

各為題日時稱山公啓事莊子陸沈註人中隱者譬如無水而沉

對雪奉餞任城六父秩滿歸京賈公

龍虎謝鞭策鶴鸞不司晨君看海上鶴何似

籠中鶉獨用天地心浮雲乃吾身雖將簪組

狎若與煙霞親齊賢曰蔡衡曰凡象鳳者有五多赤色者鳳多青色者鸞

多黃色者鷓多紫色者鶯多白色者鵠此鳥多青乃鸞非鳳也季父有英風

白眉超常倫一官即夢寐脫屣歸西秦竇公

敞華筵墨客盡來臻燕歌落胡鴈郢曲迴陽

春征馬百度嘶遊車動行塵躊躇未忍去戀

此四座人餞離駐高駕惜別空慙慙何時竹

林下更與步兵鄰齊賢曰白眉陽春白雪事並見前卷王質曰燕歌行

古樂府名

### 魯郡堯祠送吳五之瑯琊

堯沒三千歲青松古廟存送行奠桂酒拜舞

清心魂日色促歸人連歌倒芳樽馬嘶俱醉

起分手更何言齊賢曰兗州魯郡有堯廟王質曰左傳心之精爽謂魂魄

魯郡堯祠送竇明府薄華還西京時

病初起作

朝策犁眉駟舉鞭力不堪強扶愁疾向何處

角巾微服堯祠南長楊掃地不見日石門噴

作金沙潭笑誇故人指絕境山光水色青於

藍齊賢曰爾雅黃馬黑喙曰駟廟中往往來擊鼓堯本無

心爾何苦門前長跪雙石人有女如花日歌

舞銀鞍繡轂往復迴簸林蹶石鳴風雷遠煙

空翠時明滅白鷗歷亂長飛雪紅泥亭子赤

闌干碧流環轉青錦湍深沉百丈洞海底那

知不有蛟龍蟠齊賢曰西京雜記晉靈公家甚瑰壯四角以石人男女四

十餘皆立侍君不見綠珠潭水流東海綠珠紅粉

沈光彩綠珠樓下花滿園今日曾無一枝在

昨夜秋聲聞闔來洞庭水落騷人哀遂將三

五少年輩登高遠望形神開生前一笑輕九

鼎魏武何悲銅雀臺齊賢曰石崇綠珠事見前卷魏志注建安十五

年冬作銅雀臺王贊曰王褒四子講德論商歌下注曰商秋聲也淮南子天文訓曰涼風至四十五日闔闔風也我歌白雲倚牕牖爾聞

至註云允卦之風也其聲但揮手長風吹月度海來遙勸仙人一

杯酒酒中樂酣宵向分舉觴酌堯堯可聞何

杯酒酒中樂酣宵向分舉觴酌堯堯可聞何

不令臯繇擁篲橫八極直上青天揮浮雲高  
陽小飲真瑣瑣山公酩酊何如我竹林七子  
去道賒蘭亭雄筆安足誇堯祠笑殺五湖水  
至今憔悴空荷花爾向西秦我東越暫向瀛  
洲訪金闕藍田太白若可期為余掃灑石上  
月齊賢曰徐陵有白雲出嶠篇師古曰葇所  
以掃也山公酩酊酩竹林七賢事見前王羲  
之蘭亭序曰永和九年歲在癸丑暮春之初  
會于會稽山陰之蘭亭東越會稽也漢志三  
神山上黃金銀為宮闕唐京兆府藍田縣范  
子計然曰王英出藍田太白山在武功縣南

去長安三百里土贊  
曰爾雅曰瑣瑣小也

### 金鄉送韋八之西京

客自長安來還歸長安去狂風吹我心西掛  
咸陽樹此情不可道此別何時遇望望不見  
君連山起煙霧齊賢曰漢志長安縣高帝五  
年置惠帝子年初城六年成  
戶八萬八百七竇曰太白此詩因別友而動  
懷君之思可謂身在江海心存魏闕者矣

### 送薛九被讒去魯

宋人不辨玉魯賤東家丘我笑薛夫子胡為

兩地遊黃金消眾口白璧竟難投梧桐生蒺

藜綠竹乏佳實鳳凰宿誰家送與群雞匹賢齊

曰宋人得燕石以為寶事見前魯人不知孔子以為是東家丘顏師古曰美金見毀眾共

疑之數被燒煉以至銷鑠又曰夜光之璧以闇投人於道莫不按劍相盼詩箋云鳳凰之

生非梧桐不栖田家養老馬窮士歸其門蛾

眉笑覽音壁不者賓客去平原却斬美人首

三千還駿奔齊賢曰田子方見老馬於道問其御者曰公家之畜罷而不用

出而鬻之子方曰少盡其力老棄其身仁者不為也以束帛贖之史記平原君家樓臨民

家民家有覽者槃散行汲平原君美人居樓上臨見大笑之明日覽者至門請曰臣不幸

有罷癘之疾而君之後宮笑臣臣願得笑者頭平原君笑應曰諾覽者去君笑曰此豎子

乃欲以一笑之故殺吾美人不亦甚乎居歲餘賓客稍稍引去平原君怪之門下一人前

曰以君之不殺笑覽者以君為愛色而賤士即去耳於是君乃殺笑覽者美人頭白造門

謝焉門下乃毛公一挺劍楚趙兩相存齊賢

復稍稍來趙使平原君求救合從於楚約與

秦圍邯鄲備者二十人借得十九人餘無可

食客文武備者二十人借得十九人餘無可

取者有毛遂自薦曰願備負而行平原君與

楚合從言其利害曰出而平言之曰中不決毛

遂按劍歷階而上曰白起小豎子耳率數萬

之眾與楚國戰一戰而舉鄢郢再戰而燒夷

陵三戰而辱王之先人此百世之怨而趙之  
所羞而王不知惡合從者為楚非為趙也楚  
王曰唯唯謹奉社稷以從遂謂楚王之左右  
曰取雞狗馬之血來遂奉銅盤而跪進之楚  
王曰王當歎血定從次者吾  
君次者遂遂定從於殿上  
**孟嘗悅狡兔三窟**  
齊賢曰史記孟嘗使馮諼收責於  
薛諼矯以賜諸民因燒其券長謳  
到齊孟嘗君見之曰責畢收乎曰收畢矣以  
何市而反諼曰君云視吾家所寡有者臣竊  
計君所寡者義耳竊以為君市義君不說甚  
年孟嘗君就國於薛民扶老携幼迎君道中  
君顛馮諼曰先生所為文市義者乃今日見  
之諼曰狡兔有三窟僅得免其死今君有一  
窟未得高枕而卧也請為君復鑿二窟乃西  
遊梁謂惠王曰齊放孟嘗君諸侯先迎之國

富而兵強於是惠王遣使聘孟嘗君梁使三  
反齊王聞之遣太傅謝君曰寡人不祥沉於  
諛諛之臣聞罪於君寡人不足為也願君顧  
先王之宗廟友國統萬人乎諼戒君曰願請  
先王之祭器立宗廟於薛廟成還報君曰三  
窟已就君姑高枕為樂矣君為相數十年無  
纖芥之禍  
信陵奪兵符為用侯生言  
史記魏  
公孫無忌用侯生計矯  
春申一何愚勿首為  
晉鄙兵救趙事見三卷  
李園齊賢曰史記楚人李園進女弟於春申  
使說君曰今妾有身而人莫知誠以君之重  
進妾於楚王必幸妾賴天有子男則是君  
之子為王也楚國盡可得君大然之乃出園  
女弟謹舍而言之楚王王召入幸之遂生子

男立為太子以園女弟為皇后楚王貴李園  
園用事恐春申君語泄欲殺以滅口而國人  
無有知者後楚考烈王卒李園果先入伏死  
士於棘門之內春申君入棘門死士刺君斬  
其頭投之棘門外使吏盡滅君之家  
而李園女弟所生子者遂立為幽王賢哉四  
公子撫掌黃泉裏借問笑何人笑人不好士  
爾去且勿誼桃李竟何言沙丘無漂母誰肯  
飯王孫齊賢曰史記沙丘在鉅鹿此沙丘當  
在魯韓信漂母事見前王贊曰按此  
四句乃是總上之意蓋取平原孟嘗信陵得  
士而用其言故卒能自保幾春申君不能用  
朱英之言而卒受李園之禍故詩中有春申  
一何愚之語也國策曰春申君相楚二十五

年考烈王病朱英謂春申君曰世有無妄之  
福又有無妄之禍今君處無妄之世以事無  
妄之主安不有無妄之人乎春申君曰何謂  
曰君相楚二十餘年矣雖名為相國實楚王  
也五子皆相諸侯今王疾甚且暮且崩太子  
衰弱疾而不起而君相少主因而代立當國  
如伊尹周公王長而反政不即遂南面稱孤  
因而有楚國此所謂無妄之福也李園國舅  
也不為將兵而陰養死士之日久矣楚王崩  
李園必先入據本議制斷君命乘權而殺君  
以滅口此所謂無妄之禍也君先仕臣為郎  
中王崩李園先入臣請為君刺其胷殺之此  
所謂無妄之人也春申君曰先生置之勿復  
言且李園軟弱人也僕又善之則何至此朱  
英恐乃亡去後十七日  
考烈王崩果淫其禍

單父東樓秋夜送族弟沈之秦時疑在席

爾從咸陽來問我何勞苦  
沐猴而冠不足言  
身騎土牛滯東魯  
沈弟欲行疑弟留孤飛一  
鴈秦雲秋坐來黃葉落  
四五北斗已掛西城樓  
絲桐感人絃亦絕滿堂送君皆惜別  
卷簾見月清興來疑是山陰夜  
中雪明日斗酒別惆悵清路塵  
遙望長安日不見長安人  
長安宮闕九天上此地曾經為近臣  
一朝復一朝

髮白心不改屈原憔悴滯江潭  
亭伯流離放

遼海折翮翻飛隨轉蓬  
聞弦虛墜下霜空  
聖

朝夕棄青雲  
士他日誰憐張長公齊賢曰太白嘗供奉

翰林故曰近臣士贊曰崔亭伯忤竇憲出為長岑事見十卷白此詩曉顧宗國之意深矣

送族弟凝至晏堦單父三十里

雪滿原野白戎裝  
出盤遊揮鞭布獵騎  
四顧登高丘  
兔起馬足間蒼鷹  
下平疇喧呼相馳逐  
取樂銷人憂  
捨此戒禽荒  
微聲列齊謳  
嗚

雞發晏堦別鴈驚涼清西行有東音寄與長

河流齊賢曰書盤遊無度又曰外作禽荒說文謳歌也

魯城北郭曲罾桑下送張子還嵩陽

送別枯桑下凋葉落半空我行情道遠爾獨

知天風誰念張仲蔚還依蒿與蓬何時一杯

酒更與李膺同齊賢曰三輔決錄張仲蔚平陵人所居蓬蒿之下士贇曰

太白以仲蔚比張子而以李膺自比耳

分類補註李太白詩卷之十六

分類補註李太白詩卷之十七

送

送魯郡劉長史遷弘農長史

魯國一杯水難容橫海鱗仲尼且不敬况乃

尋常人白玉換斗粟黃金買尺薪閉門木葉

下始覺秋非春齊賢曰魯人以仲尼為東家士贇曰張協詩尺燼重尋

桂紅粒貴暖瑶良曰燼薪也紅粒米也一尺之薪價重於一尋之桂而米亦重於玉也淮南子曰一葉落

而天下知秋聞君向西遷地即鼎湖鄰寶

鏡匣蒼蘚丹經理素塵軒后上天時攀龍遺

小臣及此留惠愛庶幾風化淳齊賢曰鼎湖小臣攀龍髯

事見前魯縞如白煙五縑不成束臨行贈貧交

一尺重山嶽相國齊晏子贈行不及言託陰

當樹李忘憂當樹萱他日見張祿綈袍懷舊

恩齊賢曰孔安國曰縞白縑子夏傳云五匹為束三玄二縑象陰陽家語孔子去周老子送之曰富貴者送人以財仁者送人以言

晉趙鞅謂陽虎曰樹桃李者夏得其休息秋得其實焉毛詩焉得萱草注萱草令人忘憂張祿范睢也綈袍縑縑事見前注

送族弟單父主簿凝攝宋城主簿至

郭南月橋却迴棲霞山留飲贈之

吾家青萍劍操割有餘閑往來糾二邑此去

何時還鞍馬月橋南光輝岐路間賢豪相追

餞却到棲霞山群花散芳園斗酒開離顏樂

酣相顧起征馬無由攀齊賢曰青萍劍名

魯郡東石門送杜二甫

醉別復幾日登臨徧池臺何時石門路重有

金樽開秋波落泗水海色明徂徠飛蓬各自

遠且盡手中杯齊賢曰魯郡有泗水縣徂徠山名士贊曰杜工部常有詩

贈太白曰何時一樽酒重與細論文今觀此篇豈一時酬答之詩耶

### 魯郡堯祠送張十四遊河北

猛虎伏尺草雖藏難蔽身有如張公子骯髒

在風塵豈無橫腰劍屈彼淮陰人擊筑向北

燕燕歌易水濱歸來太山上當與爾為鄰齊賢

曰骯髒高亢燒直之貌淮陰少年侮韓信高漸離擊筑而歌送荆卿易水上事見前

### 杭州送裴大澤時赴廬州長史

西江天柱遠東越海門深去割辭親戀行憂

報國心好風吹落日流水引長吟五月披裘

者應知不取金齊賢曰文穎曰天柱山在瀟縣南杭州望海門三山隱

可見嵇康高士傳披裘公者吳人延陵季子出遊見道中有遺金時當五月見披裘負薪

顧今取彼金公投鎌真曰五月披裘而負薪豈取金者哉季子大驚問其姓名公曰吾子

皮相之士安足語姓名南史甄彬中山人常以一束苧就長沙寺質錢後取苧中得五兩

金送還寺道人以半酬彬彬不受謂曰五月披羊裘而負薪豈拾遺金者耶

灞陵行送別

送君灞陵亭灞水流浩浩上有無花之古樹  
下有傷心之春草我向秦人問路岐云是王  
粲南登之古道古道連綿走西京紫闕落日  
浮雲生正當今夕斷腸處黃鸝愁絕不忍聽  
齊賢曰灞陵見前王粲山陽人獻帝西遷從  
至長安以西京擾亂乃之荊州依劉表登荆  
州城樓作賦以寄意

送賀監歸四明應制

久辭榮祿遂初衣曾向長生說息機真訣自

從茅氏得恩波應阻洞庭歸瑤臺含霧星辰

滿仙嶠浮空島嶼微借問欲栖珠樹鶴何年

却向帝城飛齊賢曰賀知章遷秘書監天寶  
中疾夢遊帝居乃請為道士還

鄉里詔許之以宅為千秋宮而居又求周宮  
湖數頃為放生池賜鏡湖剡溪一曲既行帝  
賜詩皇太子百官餞送神仙傳茅濛字初成  
師鬼谷先生受長生之術神丹之方入華山  
脩道煉藥乘雲駕龍白日昇天淮南  
子崑崙中有增城九重珠樹玉樹

送竇司馬貶宜春

天馬白銀鞍親承明主歡  
闕雞金宮裏射鴈  
碧雲端堂上羅中貴  
歌鐘清夜闌何年謫南  
國拂劔坐長嘆趙璧為誰點  
隋珠枉被彈聖  
朝多雨露莫厭此行難  
齊賢曰史秦既得趙璧無意與城蘭相如  
詒之曰此璧有瑕以歸說苑隋侯之珠用之彈雀不如泥丸士贇曰聖朝多雨露即唐書制曰朕以恩澤者帝王之雨露之意

送羽林陶將軍

將軍出使擁樓船  
江上旌旗拂紫煙  
萬里橫

戈探虎穴三杯拔劔舞龍泉  
莫道詞人無膽  
氣臨行將贈繞朝鞭  
齊賢曰唐志左右羽林軍大將軍各一人正三品將軍各三人從二品掌統出衙禁兵督攝左右廂飛騎儀仗大朝會則周衛階陛巡幸則夾馳道為內仗周禮熊虎為旗析羽為旌龍泉劔各士贇曰詞人太白自稱

送程劉二侍郎兼獨孤判官赴安西

幕府

安西幕府多材雄  
喧喧唯道三數公  
綉衣貂裘明積雪  
飛書走檄如飄風  
朝辭明主出紫

宮銀鞍送別金城空

齊賢曰唐志安西都護府治泗州後徙治高昌

故地又徙治龜茲都督府而故府復為西州師古曰幕府以軍幕為義軍旅無常居止故以帳幕言之說文檄尺二書也天外飛霜下

葱海火旗雲馬生光彩胡塞清塵幾日歸漢

家草綠遙相待

齊賢曰西河舊事云葱嶺其山高丈上悉生葱故以名考

工記龍旗九游以象大火鳥旛七游以象鶉火太火蒼龍宿之心鶉火朱鳥宿之柳

送姪良携二妓會稽戲有此贈

携妓東山去春光半道催遙看若桃李雙入

鏡中開

齊賢曰王羲之云每行山陰道上如鏡中士贇曰謝安携妓東山事見前

送賀賓客歸越

鏡湖流水漾清波狂客歸舟逸興多山陰道

士如相見應寫黃庭換白鵝

齊賢曰賀知章自號四明狂客

山陰道士養鵝羲之往觀意說道士云寫道德經當舉群相贈羲之欣然寫畢籠鵝而歸

送張遜之壽陽幕府

壽陽信天險天險橫荆關符堅百萬衆遙阻

八公山不假築長城大賢在其間戰夫若熊

虎破敵有餘閑張子勇且英少輕衛霍孱投  
軀紫髯將千里望風顏勗爾效才略功成衣

錦還

齊賢曰壽春縣屬九江東晉以鄭皇后諱改壽陽八公山一名肥陵山在壽春

縣北四里

獻帝春秋張遼問吳降人向有紫髯將軍上長下短便馬善射是誰曰孫會稽

王贊曰符堅兵敗見八公山草木皆晉兵事

見前卷衛青霍去病皆漢名將孟康曰冀州

人謂孱弱為孱

### 送裴十八圖南歸嵩山二首

何處可為別長安青綺門胡姬招素手延客

醉金樽臨當上馬時我獨與君言風吹芳蘭  
折日沒鳥雀喧舉手指飛鴻此情難具論同  
歸無早晚潁水有清源

齊賢曰長安霸城門曰青門

### 其二

君思潁水綠忽復歸嵩岑歸時莫洗耳為我  
洗其心洗心得真情洗耳徒買名謝公終一

起相與濟蒼生

齊賢曰巢父洗耳事見前晉書曰安石不起當如蒼生何

### 同王昌齡送旅弟襄歸桂陽二首

秦地見碧草楚謠對清樽把酒爾何思鷓鴣  
啼南園余欲羅浮隱猶懷明主恩躊躇紫宮  
戀孤負滄洲言終然無心雲海上同飛翻相  
期乃不淺幽桂有芳根齊賢曰南越志鷓鴣  
雖東西迴翔然開翅  
之始必先南翥士贊曰細味此詩非一飯  
不忘君者乎議者何厚誣太白不如杜哉

其二

爾家何在瀟湘川青莎白石長江邊昨夢江  
花照江國幾枝正發東窓前覺來欲往心悠

然魂隨越鳥飛南天秦雲連山海相接桂水  
橫煙不可涉送君此去令人愁風帆茫茫隔  
河洲春潭瓊草綠可折西寄長安明月樓

送外甥鄭灌從軍三首

六博爭雄好彩來金盤一擲萬人開丈夫賭  
命報天子當斬胡頭衣錦迴士贊曰篋蘇  
象床有六博

其二

丈八蛇矛出隴西彎弧拂箭白猿啼破胡必

用龍韜策積甲應將熊耳齊

齊賢曰晉記陳安敗死隴上人

歌曰丈八蛇矛左右盤十盪十决無當前淮南子楚王有白猿使養由基射之矯矢未發而猿擁桂號矣太公六韜有龍韜光武降赤眉於宜陽積兵甲宜陽城西與熊耳山齊

其三

月蝕西方破敵時及瓜歸日未應遲斬胡血

變黃河水梟首當懸白鵲旗

齊賢曰酉陽俎云李太白聞祿

山反作胡無人詩曰太白八月敵可摧後祿山死日果見太白蝕月

送于十八應四子舉落第還嵩山

吾祖吹橐籥天人信森羅歸根復太素群動

熙元和炎炎四真人摛辨若濤波交流無時

寂楊墨日成科夫子聞洛誦誇才才故多爲

金好踊躍久客方蹉跎道可束賣之五寶溢

山河勸君還嵩丘開酌貯庭柯三花如未落

乘興一來過

齊賢曰吾祖老子也老子云天地之間其猶橐籥乎又云萬物

紘紘各復其根歸根曰靜莊子云何謂真人古之真人登高不慄入水不濡入火不熱士贇曰三花聚頂五氣朝元道家脩養法也三花落則死矣三花未落乘興來過言有生之

年未死之日猶有再會之期也

### 送別

尋陽五溪水  
 汭洄直入巫山裏  
 勝境由來人共傳  
 君到南中自稱美  
 送君別有八月秋  
 颯颯蘆花復益愁  
 雲帆望遠不相見  
 日暮長江空自流

齊賢曰江賦註逆流而上曰汭洄順流而下曰沿洄七贊曰尋陽五溪水汭洄直入巫山裏者詩意謂由尋陽上五溪而入巫山也巫山界于夔峽二州之間峽有青溪赤溪綠蘿溪滄茫溪姜詩溪為峽之五溪必知別者由九江徑之三峽而入巫山也

### 送族弟綰從軍安西

漢家兵馬乘北風  
 鼓行而西破犬戎  
 爾隨漢將出門去  
 剪虜若草收  
 竒功君王按劍望邊邑  
 旄頭已落胡天空  
 匈奴繫頸數應盡  
 明年應入蒲萄宮

齊賢曰漢元壽二年單于來朝舍之上林苑蒲萄宮

### 送梁公昌從信安北征

入幕推英選  
 捐書事遠戎  
 高談百戰術  
 鬱作萬夫雄  
 起舞蓮花劍  
 行歌明月宮  
 將飛天地

陣兵出塞垣通祖席留丹景征麾拂彩虹旋

應獻凱入麟閣佇深功齊賢曰晋灼曰古長

形上刻木作山形如蓮花初生未敷時虎韜

武王問太公曰凡用兵為天陣地陣人陣柰

何太公曰日月星辰斗杓一左一右一向一

背此為天陣丘陵水泉亦有前後左右之利

此謂地陣用車用馬用文用武此謂人陣古

今註塞者所以壅塞夷狄風俗通云共工氏

子好遠遊故祀以為祖神祖也古今註麾

所以指麾武王秉白旄以麾是也丹景日也

周官大司馬樂王軍大獻則鼓其愷樂愷

歌大司馬老師有功則愷樂獻于社

### 送白利從金吾董將軍西征

西羗延國討白起佐軍威劔決浮雲氣弓彎

明月輝馬行邊草綠旌卷曙霜飛抗手凜相

顧寒風生鐵衣齊賢曰漢有東羗西羗西羗

南岳及舜流之三危河關之西南羗地是也

史記白起鄙人善用兵事秦昭王為武安君

送張秀才從軍

六駁食猛虎耻從駑馬群一朝長鳴去矯若

龍行雲壯士懷遠略志存解世紛周粟猶不

顧齊娃安肯分抱劔辭高堂將投崔冠軍長

策掃河洛寧親歸汝墳當令千古後麟閣著

奇勲齊賢曰毛萇曰駮如馬鋸牙食虎豹史記武王平殷伯夷叔齊不食周粟隱于

首陽山師古曰冠軍言其在諸軍之上時祿山思明據洛陽汝墳箋云墳涯也

送崔度還吳度故人禮部員外輔國

之子

幽燕沙雪地萬里盡黃雲朝吹歸秋鴈南飛

日幾群中有孤鳳雛哀鳴九天聞我乃重此

鳥綵章五色分胡為雜凡禽雞鶩輕賤君舉

手捧爾足疾心若火焚拂羽淚蒲面送之吳

江濱去影忽不見躊躇日將曛齊賢曰唐幽州范陽郡幽

都縣武德元年為燕州東觀記鳳高八尺五彩土贊曰周禮水涯曰濱

送祝八之江東賦得浣紗石

西施越溪女明艷光雲海未入吳王宮殿時

浣紗古石今猶在桃李新開映古查菖蒲猶

短出平沙昔時紅粉照流水今日青苔覆落

花君去西秦適東越碧山青江幾超忽若到

天涯思故人浣溪石上窺明月

齊賢曰西施浣紗石見前

送侯十一

朱亥已擊晉侯嬴尚隱身時無魏公子豈貴  
抱關人余亦不火食遊梁同在陳空餘湛盧  
劍贈爾託交親

齊賢曰湛盧劍鑿間所造

魯中送二從弟赴舉之西京

魯客向西笑君門若夢中霜凋逐臣髮日憶  
明光宮復羨二龍去才華冠世雄平衢騁高

足逸翰凌長風舞袖拂秋月歌筵聞早鴻送

君日千里良會何由同

齊賢曰三輔舊事云棹宮內有明光殿爾

雅四達謂之衢士贊曰後漢許劭字子將與兄虔並知名汝南人稱平輿淵有二龍

奉餞高尊師如貴道士傳道錄畢歸

北海

道隱不可見靈書藏洞天吾師四萬劫歷世  
遞相傳別林留青竹行歌躡紫煙離心無遠  
近長在玉京懸

齊賢曰神仙傳壺公謂費長房曰我某日去卿能去乎曰

欲親眷不知其去有何計公乃取一青竹杖  
與長房曰卿以竹杖歸家便可稱病以此竹  
杖置卧處默然便來房如公言去後家人見  
房死尸在床哭葬之及歸公又與竹杖曰但  
騎此得到家房騎竹杖辭去忽如睡覺已到  
家視之乃青龍也土贊曰老子云道隱無名  
道經有靈書二十四事  
乃老君授青童大君者

### 金陵送張十一再遊東吳

張翰黃花句風流五百年誰人今繼作夫子  
世稱賢再動遊吳棹還浮入海船春光白門  
柳霞色赤城天去國難爲別思歸各未旋空

餘賈生淚相顧共悽然

齊賢曰張翰字季鷹吳人詩曰青條若總

翠黃花如散金白門赤城見前

### 送紀秀才遊越

海水不滿眼觀濤難稱心即知蓬萊石却是  
巨鰲簪送爾遊華頂令余發烏吟仙人居射  
的道士住山陰禹穴尋溪入雲門隔嶺深綠

蘿秋月夜相憶在鳴琴

齊賢曰孔靈符會稽記射的止南有白鶴

山此鶴爲仙人取箭張晏曰禹巡狩至會稽而崩因葬焉上有孔穴民間云禹入此穴若

耶溪雲門寺在越州會稽縣南齊何胤嘗遊焉

### 送長沙陳太守二首

長沙陳太守逸氣凌青松英主賜五馬本是

天池龍湘水迴九曲衡山望五峯榮君按節

去不及遠相從齊賢曰漢儀太守五馬周禮

曰青松喻真性也師古曰案節猶弭節也

### 其二

七郡長沙國南連湘水濱定王垂舞袖地窄

不迴身莫小二千石當安遠俗人洞庭鄉路

遠遙羨錦衣春齊賢曰唐志潭州長沙郡衡

江華郡柳州桂陽郡邵州邵陽郡止六郡湘

水見前註漢書長沙定王發母唐姬故程姬

侍者景帝召程姬程姬有所避不願進而飾

侍者唐兒使夜進上醉不知以為程姬而幸

之生子因名發以母微而無寵故王卑濕貧

國應劭曰景帝後二年諸王來朝有詔更前

稱壽歌舞定王但張腰小舉手左右笑其拙

石漢中二千石實得二千石也中之為言蒲也

曰中二千石實得二千石也中之為言蒲也

月得一百八十斛是一歲凡得二千一百六

十石言二千  
者舉成數也

### 送楊燕之東魯

關西楊伯起漢日舊稱賢四代三公族清風  
 播人天夫子華陰居開門對玉蓮何事歷衡  
 霍雲帆今始還

齊賢曰楊震字伯起號閔西  
 夫子飛光二年為太尉震子  
 秉延熹五年代劉矩為太尉帝賜字伯獻熹  
 平二年代唐珍為司空後拜太尉子虎字文  
 先光和六年代董卓為司空其冬代黃琬為  
 司徒處傳云自震至處四世太尉德業相繼  
 則五公當為三公今釐正之華山記山頂有  
 池生千葉蓮花服之羽化因名華山山有遺

花峯士贊曰衡山記衡山南嶽  
 也至黃帝乃以濤霍一山為副君坐稍解顏

為我歌此篇我固侯門士謬登聖主筵一醉  
 金華殿蹭蹬長江邊二子魯門東別來已經  
 年因君此中去不覺淚如泉

### 送蔡山人

我本不棄世世人自棄我一乘無倪舟八極  
 縱遠拖燕客期躍馬唐生安敢譏採珠勿驚  
 龍大道可暗歸故山有松月遲爾翫清暉

曰史記蔡澤燕人從唐舉相唐舉熟視而笑曰先生昂鼻巨肩鴈頰感鶻膝學吾聞聖人不相殆先生乎蔡澤知唐舉戲之乃曰富貴吾所自有所不知者壽也舉曰先生之壽從今以往者四十三歲澤笑談而去謂御者曰吾持梁刺齒躍肥馬疾驅懷黃金之印結紫綬於腰揖讓人主之前食肉富貴四十年足矣

送蕭三十一之魯中兼問稚子伯禽

六月南風吹白沙吳牛喘月氣成霞水國鬱蒸不可處時炎道遠無行車夫子如何涉江路雲帆嫋嫋金陵去高堂倚門望伯魚魯中

正是趨庭處我家寄在沙丘傍三年不歸空

斷腸君行既識伯禽子應駕小車騎白羊齊賢

曰孔鯉字伯魚論語他日又獨立鯉趨而過庭

送楊山人歸嵩山

我有萬古宅嵩陽玉女峯長留一片月挂在

東溪松爾去掇仙草菖蒲花紫茸一作君行到此峯食

霞駐衰容歲晚或相訪青天騎曰龍齊賢曰嵩山有玉女峯神

仙傳漢武帝嵩山登大愚石起道宮使董仲舒東方朔等齋絜思神至夜忽見仙人帝禮

而問之仙人曰吾九疑之人聞中岳石上菖蒲一寸九節可以服之長生故來采耳忽失神人所在帝顧侍臣曰彼非學道服食者必中岳之神以喻朕耳為之采菖蒲服之其時從官多服然莫能持久唯帝乃採服之不息遂得長生

### 送殷淑三首

海水不可解連江夜為潮俄然浦嶼闊岸去酒船遙惜別耐取醉鳴榔且長謠天明爾當去應便有風飄

齊賢曰榔漁人所擊板也

### 其二

白鷺洲前月天明送客迴青龍山後日早出海雲來流水無情去征帆遂吹開相看不忍別更進手中杯

齊賢曰史正志碑秦淮與外江夾一洲曰白鷺

### 其三

痛飲龍筇下燈青月復寒醉歌驚白鷺半夜起沙灘

### 送岑徵君歸鳴皋山

岑公相門子雅望歸安石奕世皆夔龍中台

竟三折至人達機兆高揖九州伯柰何天地

間而作隱淪客貴道能全真潛輝卧幽鄰探

元入宵默觀化游無垠齊賢曰孟嘗君曰將門必有將相門必有相

相晉謝安字安石少有重名奕世累世也桓譚新論曰天下神人五一曰神仙二曰隱淪

光武有天下嚴陵為故人雖登洛陽殿不屈

巢由身余亦謝明主今稱偃蹇臣登高覺萬

古思與廣成鄰蹈海寧受賞還山非問津西

來一搖扇共拂元規塵齊賢曰王導傳庾亮據上流擁強兵導力

不能平嘗遇西風塵起舉扇自蔽徐曰元規塵汚人

### 送范山人歸太山

魯客抱白鶴一作雞別余往泰山初行若片雲

一作雪杳在青崖間高高至天門日觀一作海近

可攀雲山望不及此去何時還士贇曰泰山

屈曲而上凡五十餘盤經小天門大天門西岩為仙人石門東岩為介丘東南岩名日觀

### 分類補註李太白詩卷之十七

又云  
卷之十七

分類補註李太白詩卷之十八

送


送韓侍御之廣德

昔日繡衣何足榮  
今宵貰酒與君傾  
暫就東山賒月色  
酣歌一夜送泉明

士贇曰繡衣貰酒東山事見前

白雲歌送友人

楚山秦山多白雲  
白雲處處長隨君  
君今還入楚山裏  
雲亦隨君渡湘水  
水上女蘿衣白



雲早卧早行君早起

王贊曰此詩已見六卷持首尾不同故兩存之

送通禪師還南陵隱靜寺

我聞隱靜寺山水多奇蹤巖種朗公橋門深

杯渡松道人制猛虎振錫還孤峯他日南陵

下相期谷口逢

齊賢曰傳燈錄婺州有本陳從朗禪而劉宋時杯渡者不

知姓名常乘本杯渡水惠忠禪師居禪祚寺

有供僧谷兩廩盜若窺虎而守之縣令張遜

至山頂謁問師有何徒弟師曰有三五人遜

曰如何得見師敲禪床有三虎哮吼而出遜

驚怖而退永嘉真覺禪師初至曹溪參六祖

遶繩床三匝振錫而立唐南陵縣隸宣州士

贊曰冥祥記沙門康法朗晉永嘉中人也

送友人

青山橫北郭白水遶東城此地一為別孤蓬

萬里征浮雲遊子意落日故人情揮手自茲

去蕭蕭班馬鳴

王贊曰孤蓬草也無根而隨風飄轉者自喻客遊也

送別

斗酒渭城邊壚頭醉不眠梨花千樹雪楊葉

萬條煙惜別傾壺醑臨分贈馬鞭看君頽上

去新月到應圓

齊賢曰唐穎上縣隸穎州汝陰郡

### 江上送女道士褚三清遊南嶽

吳江女道士頭戴蓮花巾霓衣不濕雨特異

陽臺雲足下遠遊履凌波生素塵倦尋向南

嶽應見魏夫人

齊賢曰太霄經曰人行大道謂之道士周穆王因尹執制

樓觀遂召幽逸之人為道士集仙錄魏夫人者任城人晉魏舒女名華存字賢安好道適

南陽劉文字幼彥生二子曰璞曰遐二子粗立乃齋于別寢將逾三月太極真人等來降

授神真之道在世八十二年以晉成帝咸和九年清虛真人玉褒與陳華青童與夫人成

藥兩劑服之白日上昇領上真司命南嶽夫人比秩仙公使治天台大霍仙洞臺中

### 送友人入蜀

見說蠶叢路崎嶇不易行山從人面起雲傍

馬頭生芳樹籠秦棧春流遶蜀城升沉應已

定不必問君平

士贊曰蚕叢棧道又嚴君平賣卜於成都市並見前

### 送趙雲卿

白玉一杯酒綠楊三月時春風餘幾日兩鬢

各成絲秉燭唯須飲投竿也未遲如逢渭川

獵猶可帝王師士贊曰西伯出獵得呂尚於渭川迎以為師事見前卷

### 送李青歸南葉陽川

伯陽仙家子容色如青春日月秘靈洞雲霞

辭世人化心養精魄隱几窅天真莫作千年

別歸來城郭新齊賢曰神仙傳老子名耳字伯陽楚國苦縣曲仁里人其

母感大流星而有娠雖受氣天然見於李家猶以李為姓內經云老子黃白色美鬚廣面

長耳大目踈齒方口厚脣額有三漏門足蹈三五角月懸鼻純骨雙柱耳有三漏門足蹈三五

手指十文以周文王時為守藏史武王時為柱下史時俗見其久壽故號老子

### 送舍弟

吾家白額一作馬駒遠別臨東道他日相思一

夢君應得池塘生春草士贊曰吾家白額駒是用涼武昭王事也

按晉史武昭王高字玄盛姓李氏前漢將軍李廣之十六世孫玄盛少好學長習武藝與

呂光太史令郭馨及其同母弟宗繇同宿馨起謂繇曰君當位極人臣李君有國士之分

家有驕黃馬生白額駒此其時也呂光末京兆段業自稱涼州牧署玄盛效穀令會燉煌

太守孟敏卒於是護軍郭謙等以玄盛溫毅有惠政推為燉煌太守玄盛初難之會宋繇

仕於鄴告歸燉煌言於玄盛曰兄忘郭馨之言耶白額駒今生矣玄盛乃從之自是霸有

秦涼遷都酒泉及薨國人士謚曰武昭王至  
唐朝尊上謚號曰興聖皇帝此言吾家白馬  
駒者亦謂同所自出云爾亦老  
杜詩龍準自與常人殊之意也

送別得書字

水色南天遠舟行若在虛遷人發佳興吾子

訪閑居日落看歸鳥潭澄羨一作躍魚聖朝

思賈誼應降紫泥書齊賢曰賈誼在長沙歲餘徵見隴右記階州武

都郡紫水有泥其色亦紫用封璽書

送麴十少府

試發清秋興因為吳會吟碧雲歛海色流水

折江心我有延陵劍君無陸賈金艱難此為

別惆悵一何深齊賢曰孝惠時呂后用事陸賈自度不能爭乃病免有五

男出使越橐中裝賣千金分其子子二百金令為生產延陵季子掛劍徐君墓事見前

送張秀才謁高中丞

并序

余時繫尋陽獄中正讀留侯傳秀才張孟

能蘊滅胡之策將之廣陵謁高中丞余喜

子房之風感激於斯人因作是詩以送之

秦帝淪玉鏡一作六雄留侯降氛氲感激黃

石老經過滄海君壯士揮金槌報讎六國聞

智勇冠終古蕭陳難與群齊賢曰維書曰余

漢張良傳秦滅韓良遂以家財求刺客刺秦王

為韓報仇東見滄海君得力士為鉄鎚重百

二十斤狙擊秦皇帝博浪沙中誤中副車秦

帝大怒大索天下求賊甚急良乃逃匿下邳

嘗縱步遊下邳圯上有一老父衣褐至良所

直墮其履圯下曰孺子下取履良愕然下取

履因長跪進之圯以足受笑曰孺子可教後

五日平明與我會此出一編書曰讀此則為

王者師後十年陳涉起沛公畧地至下邳而

張良遂屬焉士贊曰蕭陳謂蕭何陳平也

兩龍爭鬪時天地動風雲酒酣一作縱橫舞長劍

倉卒解漢紛宇宙初倒懸鴻溝勢將分英謀

信竒絕夫子揚清芬一作夫子稱卓絕超然繼清芬胡月入

紫微三光亂天文高公鎮淮海談笑却妖氛

採爾幕中畫戡難光殊動我無燕霜感玉石

俱燒焚但洒一行淚臨岐竟何云齊賢曰兩龍謂漢高

項羽也史記項王乃與漢約中分天下割鴻溝以西為漢東為楚胡祿山也祿山死日太

白食月廿氏星經紫微宮大帝坐天子常居日月星為三光鄒衍盡忠於燕燕王踈之初

仰天而嘆六月爲之降霜尚書火炎崑岡  
玉石俱焚王賈曰應劭曰不醒不醉曰酣

尋陽送弟昌峒鄱陽司馬作

桑落洲渚連滄江無雲煙尋陽非剡水忽見  
子猷船飄然欲相近來遲杳若仙人乘海上  
月帆落湖中天一觀無二諾朝歡更勝昨爾  
則吾惠連吾非爾康樂朱紱白銀章上官佐  
鄱陽松門拂中道石鏡迴清光搖扇及干越  
水亭風氣涼與爾期此亭期在秋月滿時過

或未來兩鄉心已斷吳山對楚岸彭蠡當中

州相思定如此有窮盡年愁齊賢曰杜右云彭澤地今爲都

昌有桑落洲九域志隸江州尋陽郡王子猷  
雪夜訪戴安道於剡中見前謝惠連靈渾族  
弟靈運襲封康樂公禮大夫紱色皆黃朱其  
體前方後挫角其繪山漢儀銀印在龜紐其  
文曰章謂刻曰某官之章司馬郡之佐也顧  
野王輿地志自入湖三百三十里窮於松門  
東西四十里青松福於兩峯張僧鑒尋陽記  
石鏡山東有一圓石懸崖明淨照人見形章  
昭曰越邑今鄱陽餘干縣是也

餞校書叔雲

少年費白日歌笑矜朱顏不知忽已老喜見  
春風還惜別且爲歡徘徊桃李間看花飲美  
酒聽鳥臨晴山向晚竹林寂無人空閉關

送王孝廉覲省

盧江

彭蠡將天合姑蘇在日邊寧親候海色欲動  
孝廉船窈窕晴江轉參差遠岫連相思無晝  
夜東泣似長川

齊賢曰姑蘇臺隸吳郡以其  
近東海日出之地故云日邊

劉恢爲丹陽尹張憑詣恢留宿明日還船  
須臾恢出求張孝廉船召同載時人榮之

同吳王送杜秀芝舉入京

秀才何翩翩王許回也賢暫別廬江守將遊  
京兆天秋山宜落日秀木出寒煙欲折一枝

桂還來鴈沼前

齊賢曰唐吳王祗元宗時爲  
陳留太守持節河南道節度

採訪使子獻嗣王論語賢哉回也廬州廬江  
郡京兆府京兆郡士贊曰左雄傳論曰漢舉  
賢良方正州郡舉孝廉  
秀才亦貢士之方也

洞庭醉後送絳州呂使君果流澧州

昔別若夢中天涯忽相逢洞庭破秋月縱酒

開愁容贈劔刻玉字延平兩蛟龍送君不盡  
意書及鴈迴峯

士贇曰劔至延平津躍水化龍及迴鴈峯事見前

與諸公送陳郎將歸衡陽

并序

仲尼旅人文王明夷苟非其時聖賢低眉  
況僕之不肖者而遷逐枯稿固非其宜朝  
心不開暮髮盡白而登高送遠使人增愁  
陳郎將義風凜然莫思逸發來下曹城之  
榻去邀才子之詩動清興於中流泛素波

而徑去諸公仰望不及連章祖之序慙起  
予輒冠名賢之首作者嗤我乃爲撫掌之  
資乎

衡山蒼蒼入紫冥下看南極老人星迴颺吹  
散五峯雪往往飛花落洞庭氣清嶽秀有如  
此郎將一家拖金紫門前食客亂浮雲世人  
皆比孟嘗君江上送行無白壁臨岐惆悵若  
爲分

齊賢曰甘氏星經老人一星在弧南爲南極星主壽常以秋分日見去參三丈

出丙入丁丑時候之出三十日却沒見斯大  
赦天下安王者壽五峯謂祝融紫蓋天柱石  
廩芙蓉  
峯也

送趙判官赴黔府中丞叔幕

廓落青雲心結交黃金盡富貴翻相忘令人  
忽自哂蹭蹬鬢毛斑盛時難再還巨源咄石  
生何事馬蹄間綠蘿長不厭却欲還東山齊賢  
曰表幣金盡事見前蹭蹬失勢貌山濤字巨源辟河南從事與石鑿共宿濤夜起蹴鑿曰今何等時而眠耶知太傅即何意鑿曰宰相不朝斥令歸第即何慮也濤曰咄石生無事

馬蹄間耶投簪而去未二年果有曹爽事東山會稽始寧也君為魯曾子

拜揖高堂裏叔繼趙平原偏承明主思風霜

擢獨坐旌節鎮雄藩虎士秉金鉞蛾眉開玉

樽才高幕下去義重林中言水宿五溪月霜

啼三峽猿東風春草綠江上候歸軒齊賢曰

參武城人字子輿孔子以為能通孝道故授之業作孝經唐制節度使賜雙旌雙節

送陸判官往琵琶峽

水國秋風夜殊非遠別時長安如夢裏何日

是歸期

送梁四歸東平

玉壺挈美酒送別強為歡大火南星月長郊

北路難殷王期負鼎汶水起垂竿莫學東山

卧參差老謝安齊賢曰堯典曰日永星火以

尚以漁釣干西伯漢志太山郡汶水出萊州西南入濟

江夏送友人

雪點翠雲裘送君黃鶴樓黃鶴振玉羽西飛

帝王州鳳無琅玕實何以贈遠遊徘徊相顧  
影淚下漢江流

送郝昂謫巴中

瑤草寒不死移植滄海濱東風灑雨露會入

天地春子若洞庭葉隨波送逐臣思歸未可

得書此謝情人齊賢曰傳毅七激日暗君逐臣

江夏送張丞

欲別心不忍臨行情更親酒傾無限月客醉

幾重春籍草依流水攀花贈遠人送君從此

去迴首泣迷津

王贊曰毛詩箋曰回首曰顛

賦得白鷺鷥送宋少府入三峽

初發強中作題詩與惠連多慙一日長不及

二龍賢西塞當中路南風欲進船雲峯出遠

海帆影挂清川禹穴藏書地匡山種杏田此

行俱有適遲爾早歸旋

齊賢曰謝靈運有登臨海嶠初發疆中作

與從弟惠連西塞山在鄂州廬山記匡俗結廬於山故號匡廬山董奉居廬山治疾病重

者種杏五株輕者一株號曰董仙杏林遲猶思也

江西送友人之羅浮

南昌

桂水分五嶺衡山朝九疑鄉關渺安西流浪

將何之素色愁明湖秋渚晦寒姿疇昔紫芳

意已過黃髮期

齊賢曰廣州記云大庾始安臨賀桂陽揭陽是五嶺衡山

一名峒嶼山唐當軫翼應機衡故曰衡山九疑見前唐安西大都護府初治西州後徙治

高昌故地又徙治龜茲而故府復為西州交河郡王贊曰李善曰紫芳紫芝也君王

縱疎散雲壑借巢夷爾去之羅浮我還憇峨

眉中闕道萬里霞月遙相思如尋楚狂子瓊  
樹有芳枝齊賢曰太白供奉翰林道不合辭去詔賜金還山羅浮娥眉並見前

宣州謝眺樓餞別校書叔雲一作陪侍御叔

華登樓歌

棄我去者昨日之日不可留亂我心者今日之日多煩憂長風萬里送秋鴈對此可以酣高樓蓬萊文章建安骨中間小謝又清發俱懷逸興壯思飛欲上青天覽日月抽刀斷水

水更流舉杯銷愁愁復愁人生一作男兒在世不

稱意明朝散髮弄扁舟齊賢曰蓬萊指校書也建安末鄴中有魏

太子王粲陳琳徐幹劉楨應瑒阮瑤平原侯植等詩文者入文選故曰建安骨也謝靈運子鳳字超宗作殷叔儀諫帝大嗟賞曰超宗殊有鳳毛族弟惠連十歲能屬文靈運嘉賞之云每有篇章對惠連輒得佳語謝眺字玄暉緯之子少學有美名善草隸長五言詩沈約嘗云二百年來無此詩也

宣城送劉副使入秦

君即劉越石雄豪冠當時淒清橫吹曲慷慨

扶風詞虎嘯俟騰躍雞鳴遭亂離千金市駿

馬萬里逐王師結交樓煩將侍從羽林兒統

兵捍吳越豺虎不敢窺大勲竟莫叙已過秋

風吹齊賢曰晉劉琨字越石少與范陽祖約

在晉陽嘗為胡騎所圍數重城中窘迫無計

琨乃乘月登樓清嘯賊聞之皆悽然長歎中

夜奏胡笳向曉復吹之賊棄圍而走祖逖與

劉琨聞雞起舞及郭隗謂燕昭王以千金求

千里馬事見前漢有善射者樓煩楚挑戰三

合樓煩射殺之應劭曰樓煩胡也漢武帝

大初元年初置建章營騎後更名羽林騎又

取從軍死事之子孫養羽林官教以九兵號

藏曰羽林孤兒士贇曰劉越石扶風歌曰去家

日已遠安知存與亡慷慨窮林中抱膝自權

秉鉞有季公凜然負英姿寄深且戎幕望

重必台司感激一然諾縱橫兩無疑伏奏歸

北闕鳴騶忽西馳列將咸出祖英寮惜分離

斗酒滿四筵歌嘯宛溪湄君携東山妓我詠

北門詩貴賤交不易恐傷中園葵齊賢曰戎

幕將幕也

台司三公也蕭何立東闕北闕崔寔四民月

令曰祖道神也黃帝之子好遠遊死於道路

故祀以為道神以求道路之福宛溪隸宣州

毛詩北門刺仕不得志也言衛之忠臣不得

三

其志爾古詩採葵莫傷根結交莫昔贈紫騮  
羞貧採根葵不生羞貧交不成

駒今傾白玉卮同歡萬斛酒未足解相思此

別又千里一作此外秦吳眇天涯月明關山

苦水劇隴頭悲借問幾時還春風入黃池無

令長相思折斷綠楊枝士贊曰隴頭水見一卷註

### 涇川送族弟錞

涇川三百里若耶羞見之錦石照碧山兩邊  
白鷺鷺佳境千萬曲客行無歇時上有琴高

水下有陵陽祠仙人不見我明月空相知問

我何事來盧敖結幽期齊賢曰涇縣若耶琴高陵陽竇子明得仙

及盧敖事並見前蓬山振雄筆繡服揮清詞江湖發

秀色草木含榮滋置酒送惠連吾家稱白眉

愧無海嶠作敢闕河梁詩見爾復幾朝俄然

告將離齊賢曰白眉及海嶠見前李陵與蘇武詩携手上河梁遊子暮何之徘徊

踐路側悵恨不得辭士贊曰後漢竇章少好學有文章是時學者稱東觀為老氏藏室道

家蓬萊山太僕鄧康遂中流漾綵鷁列岸叢  
薦章入東宮為校書郎

金羈歎息蒼梧鳳分棲瓊樹枝清晨各飛去  
飄落天南垂望極落日盡秋深暝猿悲寄情  
與流水但有長相思

齊賢曰鷓鴣水鳥畫船頭為鷓鴣形垂邊也

### 五松山送殷淑

秀色發江左風流奈若何仲文了不還獨立  
揚清波載酒五松山頽然白雲歌中天度落  
月萬里遙相過撫酒借此月流光畏蹉跎明  
日別離去連峯鬱嵯峨

齊賢曰殷仲文少有才藻芙蓉貌謝靈運

嘗曰殷仲文讀書半袁豹則文才不減班固五松山在宣州南陵

### 送崔氏昆季之金陵

放一作吳歌倚東樓行子期曉發秋風渡江來

吹落山上月主人出美酒滅燭延清光二崔

向金陵安得不盡觴水客弄歸棹雲帆卷輕

霜扁舟敬亭下五兩先飄揚峽石入水花碧

流日更長思君無歲月西笑阻河梁

齊賢曰金陵敬

亭並見前兵書曰凡候風法雞羽重入兩建五丈旗取羽繫其顛立軍營中許慎註曰楚

人謂之  
五兩

登黃山凌歊臺送族弟溧陽尉濟充

泛舟赴華陰

當塗

鸞乃鳳之族翱翔紫雲霓文章輝五色雙在

瓊樹栖一朝各飛去鳳與鸞俱啼炎赫五月

中朱曦爍河堤爾從泛舟役使我心寃悽

賢曰山海經女麻之上有鳥狀如翟五彩畢備

聲似雉而尾長名為鸞瑞應圖鸞者鳳凰之

佐秦池無草木南雲喧鼓鼙君王減玉膳早

起思鳴雞漕引救關輔疲人免塗泥宰相作

霖雨農夫得耕犁靜者伏草間群才滿金闈

空手無壯士窮居使人低

齊賢曰唐裴耀卿

秋雨害稼京師飢帝將幸東都召問所以救

人者耀卿曰陛下既東巡百司畢從則太倉

三輔可遣眾臣分道賑給自東都益廣漕運

以實關輔關輔既實則乘輿西還事幾不濟

且國家大本在京師但秦地狹水旱易置正

觀永徽時祿廩者少歲漕粟二十萬石今用

度浸廣漕運數倍且不支臣願廣夾運道使

京師常有三年食雖水旱不足憂天子然之

拜黃門侍郎同中書門下平章事充轉運使

於是置河陰集津三門倉引天下租由孟津

沂河而西三年積七百萬石省運費三十萬緡金閨金馬門也

送君登黃山長嘯倚上一作天梯小舟若鳧鴈大舟若鯨鯢

開帆散長風舒卷與雲齊日入牛渚晦蒼然

夕煙迷相思在何許一作杳在洛陽西齊賢曰太

白時在當塗即今之太平也黃山在城北凌歊臺在其上

### 送儲邕之武昌

黃鶴西樓月長江萬里情春風三十度空憶武昌城送爾難為別銜杯惜未傾湖連張樂

地山逐泛舟行諾謂楚人重詩傳謝眺清滄

浪吾有曲寄入棹歌聲齊賢曰黃鶴樓見前孫權破關羽自公安

徙都鄂改名武昌今鄂州之東百二十里武昌縣即權故宮與黃州相對

### 分類補註李太白詩卷之十八


分類補註李太白詩卷之十九

訓答

訓談少府 襄漢

一尉居倏忽梅生有仙骨三事或可羞匈奴  
哂千秋壯心屈黃綬浪跡寄滄洲昨觀荆峴  
作如從雲漢遊老夫當暮矣蹀足懼驂騑

回漢書東南一尉西北一候梅福補南昌尉  
得仙事見前毛詩三事大夫注謂三公漢田  
千秋為高寢郎衛太子為江充所譖敗久之  
千秋訟太子寃上大感悟立拜為大鴻臚數



目代劉屈氂為丞相後漢使至匈奴單于問  
曰聞漢新拜丞相何用得之使者曰以上書  
言事故單于曰苟如是  
漢置丞相非用賢也

訓宇文少府見贈桃竹書筒

桃竹書筒綺繡文良工巧妙稱絕群靈心圓  
映三江月彩質疊成五色雲中藏寶訣峨眉  
去千里提携長憶君

五月東魯行答汶上君

五月梅始一作子黃蠶凋桑柘空魯人重織作

機杼鳴簾櫳顧余不及仕學劒來山東舉鞭

訪前途獲笑汶上翁下愚忽壯士未足論窮

通齊賢曰漢志泰山郡汶水出萊州入齊我以一箭書能取聊

城功終然不受賞羞與時人同西歸去直道

落日昏陰虹此一作我去爾勿言甘心如轉蓬

齊賢曰史記齊田單攻聊城歲餘不下魯仲

連乃為書矢以射城中遺燕將燕將見書泣

三日乃自殺聊城亂田單遂屠聊城歸每言  
仲連欲爵之魯仲連逃隱於海上曰吾與富  
貴而詘於人寧貧賤而輕世肆志  
焉白意指林甫國忠輩昏蔽其君

早秋單父南樓酬竇公衡

白露見日滅，紅顏隨霜凋。別君若俯仰，春芳  
辭秋條。泰山嗟峩峩，夏雲在疑是。白波漲東海，  
散為飛雨川。上來遙帷却，卷清浮埃知。君獨  
坐青軒下，此時結念同。所懷我閉南樓看，道  
書幽簾清。寂在仙居曾無好事來，相訪賴爾  
高文一起予。

山中問答

問余何意一作事，栖碧山笑而不答。心自閑，桃  
花流水杳然去。別有天地非人間。齊賢曰：蜀  
志：人問諸葛亮之志，亮抱膝笑而不答。

答友人贈烏紗帽

領得烏紗帽，全勝白接籬。山人不照鏡，稚子  
道相宜。士贊曰：稚子  
接籬見前。

酬張司馬贈墨

上黨碧松煙，夷陵丹砂末。蘭麝凝珍墨，精光

乃堪掇黃頭奴子雙鴉髮錦囊養之懷袖間

今日贈余蘭亭去興來灑筆會稽山齊賢曰唐路州

上黨郡上貢墨峽州夷陵郡檇拾也錦囊事見前越州會稽鄞山陰縣有蘭渚渚有亭王

義之被

答湖州迦葉司馬問白是何人

青蓮居士謫仙人酒肆藏名三十春湖州司

馬何須問金粟如來是後身齊賢曰青蓮居士太白自號也

答長安崔少府叔封遊終南翠微寺

太宗皇帝金沙泉見寄

河伯見海若傲然誇秋水小物昧遠圖寧知

通方士多君紫霄意獨往蒼山裏地古寒雲

深巖高長風起齊賢曰莊子秋水渚至百川

間不辨牛馬於是河伯欣然自喜以天下之美為盡在已順流而東行至於北海東面而

說不見水涯於是河伯始旋其面目望洋向若而嘆曰野語有之曰聞道白以為莫已若

者我之謂也吾長見笑於大方之家北海若曰井蛙不可以語於海者拘於虛也夏蟲不

可以語於冰者篤於時也曲士不可以語於道者束於教也今爾出於涯涘觀於大海乃

醜 知爾初登翠微嶺復酣金沙泉踐苔朝霜滑

弄波夕月圓飲彼石下流結蘿宿溪煙鼎湖

夢淥水龍駕空一作何茫然早行子午關一作

峯却登山路遠一作却嘆山路遠拂琴聽霜

猿滅燭乃星飯人煙無明異鳥道絕往返賢

貞觀十二年終南大和宮改為翠微宮金

沙泉近寺之泉也鼎湖夢指太宗也事見三

卷漢書王莽開子午道因置子午關士贇攀

巨長安志翠微宮在萬年縣終南山上崖倒青天下視白日晚既過一作石門隱還

唱一作石潭歌涉雪蹇紫芳一作採濯纓想

一作清波此人不可見此地君自過為余謝

風泉其如幽意何齊賢曰石門在魯王逸注

楚詞擷採取也士贇曰紫

蘭也贈李十二左司郎中崔宗之

涼秋八月白露空園亭耿耿意不暢稍稍

一作風華聲思見雄俊士共話今古情李侯

悄悄忽來儀把袂苦不早清論既抵掌玄談又絕

倒分明楚漢事歷歷王霸道

齊賢曰稍所交切士贊曰記月

令立秋日涼風至後五日白露降爾雅稍稍權也郭璞曰謂木無枝柯稍權長而殺也

檐囊無俗物訪古千里餘袖有七首劍懷中

茂陵書雙眸光照人詞賦凌子虛酌酒絃素

琴霜氣正凝潔平生心中事今日為君說我

家有別業寄在嵩之陽明月出高岑清溪澄

素光雲散牖戶靜風吹松桂香子若同斯遊

千載不相忘

齊賢曰有底曰囊無底曰橐司馬相如既病免家居茂陵天子

曰相如病甚可往從悉取其書使使往而相如已死妻曰長卿時已著書人又取去長卿未死時為一卷書有使來求書奏之其遺札書言封禪事初上讀子虛賦而善之曰朕獨不與此人同時哉揚得意曰臣邑人司馬相如自言為此賦上驚乃召問相如相如曰有之唐河南府登封縣本嵩陽

訓崔五郎中

朔雲橫高天萬里起秋色壯士心飛揚落日  
空嘆息長嘯出原野凜然寒風生幸遭聖明  
時功業猶未成柰何懷良圖鬱悒獨愁坐杖

策尋英豪立談乃知我

齊賢曰鄧禹聞光武安集河北即杖策北

渡士贊曰

崔公生民秀緬邈青雲姿制作參

造化託諷含神祇海嶽尚可傾吐諾終不移

是時霜飈寒逸興臨華池起舞拂長劍四座

皆揚眉因得窮歡情贈我以新詩又結汗漫

期九垓遠相待舉身憇蓬壺濯足弄滄海從

此凌倒景一去無時還朝遊明光宮暮入閭

闔關但得長把袂何必嵩丘山

齊賢曰蓬壺蓬萊方壺也

漢武帝起明光宮師古曰三輔黃圖云在城中淮南子注云閭闔始升天之門上帝所居紫微宮門也

### 以詩代書答元丹丘

青鳥

一作鳥

海上來今朝發何處口銜雲錦字

一作書

與我忽飛去鳥去凌紫煙書留綺牕前

開緘方

一作時

一笑乃是故人傳故人深相勗

憶我勞心曲離居在咸陽三見秦草綠置書

雙袂間引領不暫閑長望

一作歎

杳難見浮雲

橫遠山

齊賢曰後漢書梁冀弟舍惣牖皆有綺疏

金門答蘇秀才

君還石門日朱火始改木春草如有情山中

尚含綠折芳愧遙憶永路當自勗遠見故人

心平生以此足齊賢曰語巨海納百川麟閣

多才賢獻書入金闕酌醴奉瓊筵屢忝白雲

唱恭聞黃竹篇恩光照拙薄雲漢希騰遷銘

鼎儻云遂扁舟方渺然齊賢曰漢宮室疏蕭造麒麟閣以藏秘書

賢才列子穆王賓于西王母觴于瑤池之上王母為王謠詩名白雲穆天子傳曰天子休于回中大寒北風雨雪天子作詩三章以哀人夫我徂黃竹負口闕寒乃宿於黃竹祭統曰鼎有銘銘者自名也自名以稱揚先祖之美而明著之後世者也扁舟言功成名遂身退如范蠡扁舟泛五湖也

我留在金門君去卧丹壑未果

三山期遙欣一丘樂玄珠寄象罔赤水非廖

廓願狎東海鷗共營西山藥栖巖君寂滅處

士余龍蠖良辰不同賞永日應閑居鳥吟簷

間樹花落惣下書綠溪見綠篠隔岫窺紅蕖

齊賢曰莊子黃帝遊乎赤水之北還歸遺其  
玄珠使知索之而不得使離朱索之而不得  
使契詭索之而不得乃使象罔象罔得之列  
于海上之人有好鷗鳥者每旦之海上從鷗  
鳥遊鷗鳥之至採薇行笑歌眷我情何已月  
百住而不止

出石鏡間松鳴風琴裏得心自非妙外物空

頽靡身世如兩忘從君老煙水

齊賢曰史記伯夷叔齊隱

于首陽山作歌曰登彼西山兮採其薇矣石鏡見前

訓坊州王司馬與閻正字對雪見贈

遊子東南來自宛適京國飄然無心雲倏忽

復西北訪戴昔未偶尋嵇此相得愁顏發新

歡終宴叙前識

齊賢曰王子猷雪夜訪戴安道事見前晉書嵇康會稽上

虞人東平呂安服康高致每一相思輒千里命駕閻公漢庭舊沉鬱

富才力價重銅龍樓聲高重門側寧期此相

遇華館陪遊息積雪明遠峯寒城鎖春色主

人蒼生望假我青雲翼風水如見資投竿佐

皇極

齊賢曰史記上召田叔與語漢庭臣無能出其右者前漢太子宮有銅龍樓

訓中都吏携斗酒雙魚於逆旅見贈

魯酒若琥珀

一作虎珀色

汶魚紫錦鱗山東豪吏

有俊氣手攜

一作持

此物贈遠人意氣相傾兩

相顧斗酒雙魚表情素雙鯁呀呷鰭鬣張蹊

刺銀盤欲飛去呼兒拂机霜刃揮紅肥花落

白雪霏為君下筯一餐飽

一作罷

醉著金鞍上

馬歸

齊賢曰琥珀注松脂入地千年為茯苓茯苓千年為琥珀汶水出泰山萊蕪縣

訓張卿夜宿南陵見贈

月出魯城東明如天上雪魯女驚莎雞鳴雞

應秋節當君相思夜火落金風高河漢掛戶

牖欲濟無輕舸

齊賢曰火落大火西流也舸小船也王寶曰梁元帝纂要

我昔辭林丘雲龍忽相見客星

動太微朝去洛陽殿爾來得茂彥七葉仕漢

餘身為下邳客家有圮橋書傳說未夢時終

當起巖野萬古騎辰星光輝照天下

齊賢曰賀知章

薦太白召見待詔漢嚴光足加帝腹感客星犯御座晉天文志太微天子庭也五帝座也良亡匿下邳於圮橋遇老父受書書說命高宗夢得說使百工營求諸野得諸傳巖乘東

維騎箕尾而比於  
列星終古不滅  
與君各未遇長策委蒿萊

寶刀隱五匣鏞溢空莓苔遂令世上愚輕我  
土與灰一朝攀龍去鼃黽安在哉故山定有  
酒與爾傾金壘

齊賢曰齊魯間謂鼃為蠃  
也尤怒鳴聒人

訓岑勛見尋就元丹丘對酒相待以

詩見招

黃鶴東南來寄書寫心曲倚松開其緘憶我  
腸斷續不以千里遙命駕來相招中逢元丹

丘登嶺宴碧霄對酒忽思我長嘯臨清飈

齊賢

曰鄂州有黃鶴樓因黃鶴山以名相傳費文  
稗得仙駕鶴憩此世說呂安思嵇康千里命  
駕

蹇予未相知茫茫綠雲垂俄然素書及解

此長渴飢策馬望山月途窮造階墀喜茲一

會面若覩瓊樹枝憶君我遠來我歡方速至

開顏酌美酒樂極忽成醉我情既不淺君意

方亦深相知兩相得一顧輕千金且向山客

笑與君論素心

齊賢曰離騷  
註蹇難也

答從弟幼成過西園見贈

一身自瀟灑萬物何驚誼拙薄謝明時棲閑  
居故園二季過舊壑四鄰馳華軒衣劔照松  
宇賓徒光石門山童薦珍果野老開芳樽上  
陳樵漁事下叙農圃言昨來荷花滿今見蘭  
茗繁一笑復一歌不知夕景昏醉罷同所樂  
此情難具陳齊賢曰鄭玄禮記註曰聞誼驚  
則人意動作孔安國曰伯仲叔  
季順少長也文中子註閔  
子明霍及皆隱於樵漁

訓王補闕惠翼莊廟宋丞泚贈別

學道三千春自言羲和人軒蓋宛若夢雲松  
長相親偶將一公合復與三山鄰喜結海上  
契自為天外賓鸞翻我先鍛所戒切龍性君莫

馴齊賢曰孔安國註堯典曰重黎之後羲氏  
和氏世掌天地四時之官南史陶潛嘗言

五六月北牕下時遇涼風暫至自謂是羲皇

上之曰吾祿厚得此軒蓋鍛摧翼也

勿踏荒溪波竭丘傑切來浩然津辟帶何辭

楚桃源堪避秦世迫且離別心在期隱淪訓

贈非炯誠永言銘佩紳齊賢曰陶潛桃花源

論天下神人五一日神仙二曰隱淪士贊曰

訓裴侍御對雨感時見贈金陵

雨色秋來寒風嚴清江爽孤高繡衣人蕭灑

青霞賞平生多感激忠義非外獎禍連積怨

生事及徂川往楚邦有壯士鄢郢翻掃蕩申

包哭秦庭泣血將安仰鞭屍辱已及堂上羅

宿莽頗似今之人蝨賊陷忠讜渺然一水隔

何由稅歸鞅日夕聽猿怨懷賢盈夢想齊賢曰漢

書表侍御史有綉衣直指伍子胥傳吳王闔

閭悉興師與唐蔡伐楚楚將子常敗走奔鄭

吳乘勝而前五戰遂入郢昭王出奔吳師入

已申包胥求救於秦秦不許包胥立於秦庭

車五百乘救楚敗吳昭王復入郢毛詩註食

贈李十二

士贊曰此詩乃攝監察御史崔成甫贈太白者附此

我是瀟湘放逐臣  
君辭明主漢江濱  
天外常求太白老  
金陵捉得酒仙人

謝崔侍御

嚴陵不從萬乘遊  
歸卧空山釣碧流  
自是客

星辭帝座元非太白醉揚州

齊賢曰逸史章仇兼瓊鎮西川

訪道術者有一鬻酒者每有紗帽藜杖四人來飲酒至數斗積積十餘石即併還之其言愛說孫思邈或報章仇公公專令探之忽一日又來公遂潛往從者三四人公照至前躍

出再拜自稱姓名相顧徐起唯柴燼四枚在座前不復見矣時玄宗好道公奏其事詔召孫公問之曰此太白酒星仙格絕高每遊人間飲酒處皆至尤樂蜀中

翫月金陵城西孫楚酒樓達曙歌吹

日晚乘醉著紫綺裘烏紗巾與酒客

數人棹歌秦淮往石頭訪崔四侍御

昨翫西城月青天垂玉鉤朝沽金陵酒歌吹

孫楚樓忽憶繡衣人乘船往石頭草裹烏紗

巾倒被紫綺裘兩岸拍手笑疑是王子猷酒

客十數公崩騰醉中流謔浪棹海客喧呼傲

陽侯齊賢曰孫權治建鄴作石頭城王子猷雪夜訪戴逵事見前高綉淮南子註曰

陽國侯溺死於水其神能為大波半道逢吳姬卷簾出椰榆

我憶君到此不知狂與羞一月一見君三杯

便迴橈捨舟共連袂行上南渡橋興發歌綠

水秦君為之謳雞鳴復相招清宴逸雲霄贈

我數百字字字凌風颺繫之衣表上相憶每

長謠

齊賢曰椰榆舉手相弄也

### 江上答崔宣城

太華三芙蓉明星玉女峯尋仙下西嶽陶令

忽相逢問我將何事湍波歷幾重貂裘非季

子鶴氅似王恭謬忝燕臺召而陪郭隗蹤水

流知入海雲去或從龍樹繞蘆洲月山鳴鵲

鎮鐘還期如可訪台嶺蔭長松齊賢曰陶潛為彭澤令晉

王恭美姿儀嘗衣鶴氅裘涉雪而行孟昶見之曰此真神仙中人也唐志宣州南陵縣有

萬頭鎮士贊曰太華三芙蓉明星玉女峯蘇季子黑貂之裘幣燕昭王築臺師郭隗事並

前見

答族姪僧中孚贈玉泉仙人掌茶

余聞荊州玉泉寺近清溪諸山洞往往有乳窟窟中多玉泉交流其中有白蝙蝠大如鴉按仙經蝙蝠一名仙鼠千歲之後體白如雪棲則倒懸蓋飲乳水而長生也其水邊處處有茗草羅生枝葉如碧玉唯玉泉真公常來而飲之年八十餘歲顏色

如桃花而此茗清香滑熟異於他者所以能還童振枯扶人壽也余遊金陵見宗僧中孚示余茶數十片拳然重疊其狀如手號爲仙人掌茶蓋新出乎玉泉之山曠古未覲因持之見遺兼贈詩要余答之遂有此作後之高僧大隱知仙人掌茶發乎中孚禪子及青蓮居士李白也

常聞玉泉山山洞多乳窟仙鼠如白鴉倒懸

清溪月茗生此中石玉泉流不歇根柯洒芳  
津採服潤肌骨叢老卷綠葉枝枝相接連曝  
成仙人掌似拍洪崖肩舉世未見之其名定  
誰傳宗英乃禪伯投贈有佳篇清鏡燭無鹽  
顧慙西子妍朝坐有餘興長吟播諸天齊賢曰抱  
朴子曰千歲蠅蝠色如雪集則倒  
懸腦重故也新序無鹽齊之醜女

訓裴侍御留岫師彈琴見寄

君同鮑明遠邀彼休上人鼓琴亂白雪秋變

江上春瑤草綠未衰攀翻寄情親相思雨不

見流淚空盈巾

齊賢曰鮑照字明遠為宋臨江王參軍沈約宋書曰沙門

惠休善屬文徐堪之與之甚厚世祖命使還俗本姓湯位至揚州從事陽春白雪曲名也

張相公出鎮荊州尋徐太子詹事余

時流夜郎行至江夏與張公去千里

公因太府丞王昔使車寄羅衣二事

及五月五日贈余詩余答以此詩

張衡殊不樂應有四愁詩慙君錦繡段贈我

慰相思鴻鵠復矯翼鳳凰憶故池榮樂一如

此商山老紫芝齊賢曰張衡四愁詩序曰張衡不樂久處機密陽嘉中出

為河間相時天下漸弊鬱鬱不得志為四愁詩其辭曰美人贈我錦綉段何以報之青玉

案商山四皓歌曰燁燁紫芝可以療飢

樓 醉後答丁十八以詩譏余搥碎黃鶴

黃鶴高樓已搥碎黃鶴仙人無所依黃鶴上

天訴玉帝却放黃鶴江南歸神明太守再雕

飾新圖粉壁還芳菲一州笑我為征客少年

往往來相譏君平簾下誰家子云是遼東丁

令威作詩調我驚逸興白雲遶筆惚前飛待

取明朝酒醒罷與君爛熳尋春暉齊賢曰黃鶴樓事見

前賀知章自號四明狂客漢書嚴君平賣卜於成都市日閱數人得百錢足自養則閉門

下簾而授老子遼東華表柱上有鶴云有鳥有鳥丁令威去家千年今始歸城郭雖是人

民非士贊曰漢書黃霸為潁川太守吏民咸稱神明

答裴侍御先行至石頭驛以書見招

期月滿泛洞庭

君至石頭驛寄書黃鶴樓開緘識遠意速此  
南行舟風水無定準湍波或滯留憶昨新月  
生西簷若瓊鉤今來何所似破鏡懸清秋恨  
不三五明平湖泛澄流此歡竟莫遂狂殺王  
子猷巴陵定近遠持贈解人憂齊賢曰石頭驛在金陵王  
逸註楚詞曰曲瓊玉鉤也平湖指洞庭王贊曰古詩三五明月滿四五蟾兔缺枉殺王子猷是用子猷訪戴安道事乘興而來興盡而返

答高山人兼呈權顧二侯

虹霓掩天光哲后起康濟應運生夔龍開元  
掃氛翳太微廓金鏡端拱清遐裔輕塵集嵩  
嶽虛點聖明意謬揮紫泥詔獻納青雲際齊賢

曰虹霓指太平公士輩哲后指元宗郭氏曰雄曰虹謂明盛者雄曰霞謂暗微者金鏡喻明道也自天寶初供奉翰林潛草詔誥紫泥詔見前王贊曰夔龍唐虞賢臣季康邊山序文曰人生天地間也若流霓之過戶牖輕塵之棲弱草

踈佞臣計彷徨庭闕下歎息光陰逝未作仲

宣詩先流賈生涕掛帆秋江上不爲雲羅制  
山海向東傾百川無盡勢我於鴟夷子相去  
千餘歲運闊英達稀同風遥執袂士贇曰列子曰地不滿東南百登艫望遠水忽見滄浪世高士何  
處來虛舟渺安繫衣貌本淳古文章多佳麗  
延引故鄉人風義未淪替顧侯達語默權子  
識通蔽曾是無心雲俱爲此留滯雙萍易飄  
轉獨鶴思凌厲明晨去瀟湘共謁蒼梧帝齊賢

曰通蔽  
通塞也

答杜秀才五松見贈

五松山南陵銅坑西五六里

昔獻長楊賦天開雲雨歡當時待詔承明裏  
皆道楊雄才可觀敕賜飛龍二天馬黃金絡  
頭白玉鞍浮雲蔽日去不返總爲秋風摧紫  
蘭齊賢曰楊雄獻賦待詔承明廷事見前註角巾東出商山道採  
秀行歌詠芝草路逢園綺笑向人兩君解來  
一何好聞道金陵龍虎盤還同謝眺望長安

千峯夾水向秋浦五松名山當夏寒銅井炎

鑪歆虛驕切九天赫如鑄鼎荆山前陶公矍

鑠呵赤電回祿睢盱揚紫煙此中豈是久留

處便欲燒丹從列仙齊賢曰商山隸商州楚

綺里李事見前諸葛亮至鄴口鍾阜龍盤石

城虎踞謝朓有晚登三山還望京邑詩唐志

秋浦有銅有銀南陵舊有銅官治史黃帝採

首山之銅鑄鼎於荆山下杜預註曰回祿火

神老子註曰睢盱盱盱張目也愛聽松風且

高卧颼颼吹盡炎氛過登崖獨立望九州陽

春欲奏誰相和聞君往年遊錦城章仇尚書

倒屣迎飛牋絡繹奏明主天書降問迴恩榮

骯髒不能就跬組至今空揚高蹈名齊賢曰

名見前戎都以江山明麗號為錦城夫子工文絕世竒五松新

作天下推吾非謝尚邀彥伯異代風流各一

時一時相逢樂在今袖拂白雲開素琴彈為

三峽流泉音從茲一別武陵去去後桃花春

水深齊賢曰謝尚邀彥伯事見前卷

註士贇曰三峽流泉琴操名也

至陵陽山登天柱石訓韓侍御見招

隱黃山

韓衆騎白鹿西往華山中玉女千餘人相隨  
在雲空見我傳秘訣精誠與天通何意到陵  
陽遊目送飛鴻天子昔避狄與君亦乘驄擁  
兵五陵下長策馭胡戎

齊賢曰列仙傳韓衆  
齊人爲王採藥王不

肯服衆自服之遂得仙後劉根字君安於華  
山見一人乘白鹿車者十餘人左右玉女四  
人執平筇之節皆生十五六餘再拜乞言神  
人曰爾聞有韓衆否答聞有之神人曰我是

也陵陽山在涇縣西南百里乃  
寶子明釣得白龍放之之處時泰解繡衣

脫身若飛蓬鸞鳳翻羽翼啄粟坐樊籠海鶴

一笑之思歸向遼東黃山過石柱巘崿上攢

叢因巢翠玉樹忽見浮丘公又引王子喬吹

笙舞松風朗詠紫霞篇請開藥珠宮步網繞

碧落倚樹招青童何日可攜手遺形入無窮

齊賢曰黃山隸宣州黃帝與浮丘公遊黃山

駐天都峯今有浮丘公仙壇峯崿高峻貌士

贊曰紫霞篇即黃庭內景經也經曰上清紫

霞虛皇前太上太道玉宸君間居藥珠作七

言散花五形變萬神是為黃庭曰內篇詠之  
萬遍升三天秘要經云仙宮中有寥陽之殿  
藥珠之闕翠英之房道君在中而說經綱罝  
氣也即禹步交趾履斗之法道書老君於東  
極碧落之天浮黎之國書則文於青空之林  
成紫字之文復授青童天君靈書紫文脩行  
二十  
四事

### 訓崔十五見招

爾有鳥跡書相招琴溪飲手跡尺素中如天  
落雲錦讀罷向空笑疑君在我前長吟字不  
滅懷袖且三年

齊賢曰書斷曰古文者黃帝史蒼頡所造頡首有四目通

於神明仰觀奎星圓曲之勢俯察龜文鳥跡  
之象采衆美合而為字是曰古文南州有琴  
溪即琴高  
控鯉之處

### 答王十二寒夜獨酌有懷

士贊曰按此篇造語

敘事錯亂顛倒絕無倫次董龍一事尤為可笑決非太白之作乃先儒所謂五季間學太白者所為耳具眼者自能別之今釐而置諸卷末

昨夜吳中雪子猷佳興發萬里浮雲卷碧山  
青天中道流孤月孤月滄浪河漢清北斗錯  
落長庚明懷余對酒夜霜白玉牀金井冰崢

嶮人生飄忽百年內且須酣暢萬古情

齊賢曰王

子猷雪夜乘興訪戴安道事見前西京雜記太極殿前有金井欄士贊曰詩云東有啓明西有長庚註曰旦出謂明星為啓明日既入謂明星為長庚續也君不能狸

膏金距學鬪雞坐令鼻息吹虹霓君不能學

哥舒橫行青海夜帶刀西屠石堡取紫袍吟

詩作賦北牕裏萬言不直一杯水世人聞此

皆掉頭有如東風射馬耳

齊賢曰左傳季郈之雞鬪季氏介其

雞郈氏為之金距唐哥舒翰為隴右節度副大使築神威軍青海上天寶八載詔翰以朔

方河東監牧兵十萬攻吐蕃石堡城克之遂以功加特進魚目亦笑我請

一作與明月同驂騮拳踞不能食蹇驢得志

鳴春風折楊皇華合流俗晉君聽琴枉清角

巴人誰肯和陽春楚地由來賤竒璞黃金散

盡交不成白首為儒身被輕一談一笑失顏

色蒼蠅貝錦誼謗聲

齊賢曰韓非子曰晉平公問師曠音莫悲於清

徵乎師曠曰不如清角公曰寡人願聽之師曠不得已鼓之一奏有玄雲從北方起再奏之大風至大雨隨之裂幃幙破俎豆隳廓瓦坐者散走平公恐懼伏廊室之間晉國大旱

赤地三年曾參豈是殺人者讒言二及慈母驚與

君論心握君手榮辱於余亦何有孔聖猶聞

傷鳳麟董龍更是何雞狗一生傲岸苦不諧

恩踈媒勞志多乖嚴陵高揖漢天子何必長

劔挂頤事玉階遠亦不足貴窮亦不足悲韓

信羞將絳灌比禰衡恥逐屠沽兒齊賢曰曾參殺人

見前王贊曰晉載記符生司空王墮剛峻疾惡生發人董榮亂政墮疾之如仇畧不與言或曰董尚書貴幸公宜降意墮曰董龍是同雞狗而令國士與之言乎榮慙恨勸生誅墮

臨刑榮曰公復敢數董龍作雞狗乎墮瞋目

嘗之龍榮小字東漢書禰衡氣尚剛傲建安

初來遊許下是許都新建賢士大夫四方來

集咸問衡曰盍從陳長文司馬伯乎對曰吾

焉能從屠沽兒耶君不見李北海英風豪氣今何在


君不見裴尚書土墳三尺高棘一作下居少年


早欲五湖去見此彌將鍾鼎踈齊賢曰李邕字泰和揚州

江都人父善淹貫古今注文選適事而忘意書成以示邕欲有所更善曰試為我補益之邕附事見義善以為不可奪故兩書並行李嶠張廷珪為之召拜左拾遺元宗即位為陳州刺史仇人告邕賦貸枉法下獄當死許昌男子孔璋上書曰臣與邕平生不款曲臣知


有邕邕不知有臣願代邕死疏奏得減死貶  
道化尉流璋嶺南討賊有功徙禮州司馬後  
歷淄滑二州刺史始邕早有名重義愛士父  
斥外不與士大夫接因上計入朝人間傳其  
眉目瓌異至阡陌聚觀後生望風內謁門巷  
填隘中人臨問索所為文章且進上以讒媚  
出為北海太守天寶中柳勣有罪下獄邕嘗  
遺勣馬故吉溫使引邕詔就郡杖殺之時年  
七十天下稱李北海邕資豪  
放不能治細行裴尚書未詳

分類補註李太白詩卷之十九





Red ink stamp on the right page, partially obscured by the binding. The stamp contains characters in seal script, likely a collector's or library's mark.



Faint, ghosted text or a watermark is visible on the right page, appearing as a light blue or grey rectangular area. The text within this area is illegible due to fading.

